

HARI :

TARIKH :

SALIN NOTA DI BAWAH DI DALAM BUKU NOTA.

6.3 TAMADUN ROM

Lokasi dan Perkembangannya.


- Tamadun Rom terletak di Lembah Latium, berhampiran dengan Sungai Tiber.
- Lembah Latium merupakan kawasan yang subur yang membolehkan aktiviti pertanian giat dijalankan.
- Sungai Tiber pula menjadi sumber air utama kepada penduduk dan menjadi laluan utama untuk berlayar ke laut.
- Tamadun Rom boleh dibahagikan kepada tiga zaman, iaitu Zaman Beraja (753 - 509 SM), Zaman Republik (509 - 27 SM), dan Zaman Empayar (27 SM- 476 M).
- Tamadun Rom mencapai tahap kegemilangannya pada era Pax Romana (27 SM - 180 M)
- Pax Romana begitu penting kerana selama 200 tahun keamanan wujud dalam Tamadun Rom yang berkembang meliputi tiga buah benua, iaitu Asia, Afrika, dan Eropah.
- Masyarakat dalam Tamadun Rom terbahagi kepada tiga kelompok, iaitu kalangan *Patrician* atau atasan, *Plebian* yang terdiri daripada petani, artisan, peniaga dan golongan hamba.
- Tamadun ini mencapai kemajuan dalam pelbagai bidang seperti politik, ekonomi, sains, dan teknologi, falsafah, dan pendidikan.

6.4 PENINGKATAN SENI BINA DALAM TAMADUN ROM

- Tamadun Rom terkenal dengan kepakaran dalam bidang seni bina.
- Setiap binaan mempunyai kegunaan yang khusus.
- Binaan-binaan ini juga mempunyai ketahanan tinggi yang masih kekal hingga kini dan menjadi warisan Sejarah yang tidak ternilai harganya.

CIRI-CIRI PEMBINAAN BAGUNAN DALAM TAMADUN ROM.

- Seni bina Rom merupakan gabungan antara teknik seni bina yang diwarisi sejak zaman Yunani dengan inovasi yang dilakukan oleh orang Rom dengan menggunakan bahan binaan baharu serta reka bentuk yang kreatif.
- Gabungan ini membolehkan bangunan dan binaan dalam tamadun Rom mempunyai ciri-ciri yang tersendiri yang kekal sehingga kini.



COLOSSEUM

- Colosseum merupakan binaan yang melambangkan keagungan Tamadun Rom yang dijadikan tempat mengadakan persembahan dan pertandingan bersaiz besar seperti acara gladiator.
- Colloseum mempunyai sistem pengurusan penonton yang setanding dengan stadium pada zaman moden.
- Terdapat 80 pintu masuk serta tempat duduk penonton yang dibina bertingkat-tingkat.
- Binaan ini dimulakan oleh Raja Vespian pada tahun 72 M dan diselesaikan oleh anaknya, Tiitus pada tahun 80 M.



Colosseum

PANTHEON



Pantheon

- Binaan berkubah yang terbesar di dunia yang digunakan sebagai tempat penyembahan dewa-dewi masyarakat Rom.
- Pada awalnya, Pantheon dibina oleh Marcus Visanius Agrippa pada tahun 27 SM, namun musnah dalam kebakaran pada tahun 80 M.
- Pantheon dibangunkan semula oleh Maharaja Hadrian pada tahun 125 M.
- Pantheon dibina dengan mengambil gaya binaan zaman Yunani terutamanya di bahagian hadapan yang mempunyai tiang yang kukuh.

AMFITEATER

- Binaan ini merupakan Colosseum mini atau sebuah gelanggang terbuka yang digunakan untuk membuat persembahan seni, pertunjukan dan gladiator.
- Amfiteater ini berbentuk lingkaran.
- Terdapat kira-kira 230 amfiteater yang dibina di seluruh empayar Rom dengan mempunyai pelbagai saiz dan kapasiti penonton yang berbeza.



Amfiteater

AKUEDUK

- Akueduk berfungsi membekalkan air ke rumah kediaman di sekitar bandar dalam empayar Rom.
- Air dari akueduk juga disalurkan ke tempat mandi awam dan binaan-binaan utama di Rom termasuklah ke Colosseum sewaktu acara *gladiator* diadakan.
- Akueduk pertama dibina di Aqua Appia pada tahun 312 SM dengan panjangnya 16 KM.
- Marcus Agrippa merupakan antara jurutera Rom yang bertanggungjawab membina akueduk, seperti Aqua Virgo yang dibina pada tahun 19 SM.



Jalan Raya Rom.

JALAN RAYA

- Jalan raya dibina pada tahun 500 SM dengan tujuan untuk menghubungkan bandar-bandar utama bagi memudahkan pergerakan tentera serta sebagai sistem pengangkutan.
- Oleh sebab matlamat asas adalah untuk kegunaan tentera, jalan raya tersebut dibina secara berlapis-lapis dengan menggunakan batu besar, batu kecil, dan batu kerikil supaya tahan dan kuat menahan beban serta pergerakan pasukan tentera.

TEMBOK PERTAHANAN

- Pembinaan tembok pertahanan bertujuan untuk melindungi Tamadun Rom daripada serangan musuh.
- Tembok ini juga menjadi pemisah antara kawasan yang terletak di bawah kekuasaan Rom dengan kawasan yang bukan wilayah Rom.
- Seni membina tembok pertahanan telah bermula pada tahun 100 M dengan menggunakan batu yang disusun memanjang serta mencapai ketinggian sehingga lima meter.



Tembok Hadrian

TEMPAT MANDI AWAM



Tempat mandi awam

- Orang Rom membina tempat mandi awam yang boleh digunakan oleh setiap orang.
- Tempat mandi awam ini dilengkapi dengan pelbagai kemudahan.
- Ruang mandi pula mempunyai bahagian yang berasingan, iaitu tempat mandi air panas, sejuk, suam serta berwap.
- Tempat mandi awam yang terkenal termasuklah Caracalla di Rom.